



UNIVERSITÄTS-
BIBLIOTHEK
PADERBORN

**Praxis Beneficiorvm D. Petri Rebvffi Montispessvlani
Ivrvim Doct. Ac Comitiss, Ivrisqve Pontificii Ordinarii
Professoris Paris. & ibidem in supremo Senatu Causarum
Patroni**

Rebuffi, Pierre

Coloniae, 1610

De translatione monachorum.

[urn:nbn:de:hbz:466:1-63686](https://nbn-resolving.org/urn:nbn:de:hbz:466:1-63686)

gia, & in aliam ecclesiam transferantur. *gl. in d. ca. si quis vult. que allegat. c. & que diximus. 16. q. 7.* quod est verum, quando privilegium concerneret personam, secus si re. *l. 2. §. 1. ff. de privileg. credito. l. tempus, in §. ff. de re iudic. Oldra. cons. 267. quod domino. num. 2.* & sic vtraque ecclesia erit inimica, sicut alia ecclesie: *re per totum. tit. de immuni. ecclesie.* & putò etiam quòd presbyteri, qui ibidem Magalona seruiant, erunt exempti sicut ministri ecclesie translata. *ca. per exceptionem, de privileg. lib. 6.*

20 Ultimus effectus est, quòd deinceps omnes actus concernentes ecclesiam cathedralem sicut consecrare chrisma, & alia, quæ fiebant in prima ecclesia, fieri debent in illa ad quam erat translata: & sicut debebat esse theologus in prima, ita & in secunda. *§. 1. de collationibus in Concord.*

De Translatione monachorum.

Monachus translatus an nouam professionem facere teneatur.

NOtandum est, quòd quando quis translatus est ad aliud monasteriũ, non est necesse facere nouam professionem in secundo monasterio: nam semel facta professio sufficit. *c. nullus, & c. in demeritis, de elect. in 6.* quando non sunt diuersæ regulæ. *Pan. in c. Abbat. S. Siluan. no. 4. de verb. signific.*

2 Quia profitendo vnã religionem, omnes videtur profiteri quo ad substantiam regulæ, cùm ad vnum tendant, vt docet *Höst. in c. ad Apostolicam, de regula.* & abundè *Feder. Senens. cons. 5. quidam monachus, in i. dubio. & consuet. 19. col. 2.* vbi dicit, quòd quando monachus vnus monasterij in aliud transfertur, solet de stylo poni hæc clausula, te de monasterio Purcens. cuius monachus existis, ad monasterium sanctæ Mariæ autoritate Apostolica, transferentes, ac volentes, & decernentes ex nunciusdem monasterij sanctæ Mariæ monachus censearis, & in eo recipiaris in monachum. *& c. Decius, in c. præterea, de præb.*

Clausula translatio- nis Papæ.

3 An monachus translatus in aliud monasteriũ autoritate Apostolica possit sine licentia Papæ redire ad primum monasterium, vide eundem *Fed. cons. 263. Præsuppo-*

siuo: & an religiosus præfectus ecclesie seculari nomine religiosorum comprehendatur. gl. in cl. religiosus, de procura. & clem. 1. de dec. Felin. in c. tua, col. 2. de iureiur. & comprehendi asserunt ibid.

4 Etiam notandum est, quòd solus Papa potest conferre, vel commédare beneficium religioso alterius monasterij. *c. cum singula. §. si. de præb. in 6.* nisi in monasterio dependente, *re ibi:* vel nisi fuerit translatus canonicè. *ibid.*

5 Sed dicit quis, quomodo fiat canonica translatio? *Resp. si monachus velit ad religionem arctiorem transire: tunc sufficiet consensus abbatis, vt dimittat religionem. in qua est professus, & aliam ingrediatur. c. licet, de regula. c. statimus, 19. q. 3.* non tamen sufficeret licentia prioris: vt docet *Roma. singul. 452. domini. per text. in l. qui sub pretextu, c. de sacrosanct. eccl.*

6 Etiam petita licentia & non obtenta sufficeret, *in d. c. licet, & hoc asserit Anto. Butr. in c. si. col. 1. de renun. & Soc. cons. 222. præsens consultatio, 2. volu.* sed si abbas sit mortuus, tunc licentia conuentus habita episcopus facultatem dabit *reste Lappo allegat. 62. quidam.*

7 Si autem vellet transferre se ad aliam religionem parem, tunc voluntas abbatis & conuentus sufficit, nisi velit transire ad monasterium in alia situm diocesi, in qua translatione & episcopi illius autoritas requiratur & causa iusta in non exemptis. *Perus. in d. c. cum singula. §. si. col. 2. de præb. lib. 6. ca. significatum, de regul. & c. post translationem, de renun. arg. c. 2. in 68. distin. & c. qui verè pureque. 16. q. 1.*

8 Et his casibus nullus abbas debet licentiam præstare monacho abeundi, nisi primò religiosus inuenerit alteram religionem, quam paratus sit intrare statim: & oportet quòd ei constet de voluntate abbatis & conuentus secundæ religionis: alioqui posset religiosus fugere, & apostatare. *Innoc. & alij in c. si. de renuncia.*

9 Si verò vellet adire religionem latiorè, non ita strictam, hoc de Papæ solius consensu potest. *gloss. & doct. in d. capit. cum singula. §. si. de præbend. quia hoc est contra*

Solus Papa conferre religio- rum quomodo fiat translationem.

De translatio- nis ad parem Reli- gionem.

De volenti ingredi reli- gionem latiorè.

iura, quae non potest inferior tollere, clem. ne Romani, de elect. & solus Papa in his habet plenitudinem potestatis, cap. proposuit, de concess. prebend. Panor. in c. non est, de regula. vbi declarat quae regula dicatur strictior. [Soci. conf. 270. consideratis in fi.]

10 Si tamen causa exigeret celeritatem, utpote ratione infirmitatis, vel alterius iustae causae: & tunc sufficeret dispensatio episcopi cum licentia abbatis. Innoc. in d. ca. si. & cap. dilectus, de tempor. ordina. Perus. vbi supra.

Translatio ad aliam religionem propria auctoritate an sit apostolica.

11 Sed si de facto monachus ad latiorē religionem se transferret, & ibidem habitum assumeret, & deferret, non esset excommunicatus: nec apostata. c. si. de apostata. vt docet Innoc. in cap. intelleximus, de aetate Lappus alleg. 34.

12 Tamen habebit locum poena. cap. cum qui, de preben. lib. si. facit. c. si. de regula. hoc docet Dom. Gemina. in d. c. cum singula. §. fin. in 3. no. ibidem. de mendicantibus transseuntibus ad aliam religionem, vide clementinam vt professores, de regula & inferius in dispensa. regul. dicitur.

Religiosus potest mutari per abbatem ad alium locum eius religionis. Requisita ad bonam translationem.

13 Nota tamen quod semper religiosus de licentia sui abbatis potest mutari & transferri in alium locum, qui sub eodem abbate regitur, & sit eiusdem religionis. gloss. si. & doct. in c. significatum, de reg. Perus. in c. cum singula.

14 Et sic videt requirita ad translationem: primo quod causa adsit, & legitima. doct. in d. c. significatum. secundo quod licentia interuenerit, vel saltem petatur, quo ad strictiorem religionem: nec valeret consuetudo in contrarium. cap. cum venerabilis. de consuetu. tertio quod licentia detur a suo superiore immediato, non ab inferioribus. Panor. in c. liceat, de regula. Soci. conf. 52. Vt in instrumento, col. 3. in 4. vol. quarto, quod religiosus aliam religionem inuenerit, antequam licentiam petat. Innoc. & alii in c. si. de renuncia. do. in d. c. cum singula. Soci. d. conf. 222. in 2. vol.

Collatio a Papa induci translationem.

15 Si tamen Papa conferret beneficium religioso, vel commendaret in alio monasterio, valeret prouisio, etiam si nihil diceret de translatione: quia prouidendo vi-

detur eum transferre, tanquam necessarium consequens. gl. & doct. in cap. quia in tantum, de preben. & c. si quis in clero. 7. que est. i. Felin. in cap. postulasti, colum. 7. de rescript. licet clausula translationis non debeat omitteri iuris.

16 Sed si mandat prouideri per mandatum forte, vel alias, non poterit prouideri illi monacho in alio monasterio, nisi sit translatus, vel dispensatus, vel in mandato transferatur, vel nisi illud monasterium in quo mandatur prouideri sit dependens ab alio, d. c. cum singula. §. fin. de prebend. lib. 6. ideo non mandato debet esse clausula translationis si alteri abbati, vel collatori dirigatur mandatum: & ita vidi obseruari.

In mandato debet contineri translatio.

Si tamen ecclesia parochialis, vel aliud beneficium sit solita regi per monachos vnius monasterii per quadraginta annos, poterit conferri monachis illius monasterii sine translatione, non vero monachis alterius monasterii, per res. in c. cum beneficio, de preb. in 6.

Translatio quando requiritur.

17 Notandum est quod quando Papa prouidet, aut prouideri mandat regulari beneficio regulari alterius monasterii deuen. debet dari clausula translationis: vt monachus transferatur de loco ad locum, & inibi in monachum & fratrem recipiatur, ac sincera in domino charitate tractetur, & hoc si sit eiusdem ordinis.

Clausula translationis ponenda.

18 Si vero sit alterius ordinis, tunc debet transferri, & recipi in monachum & fratrem, & habitus regularis dari iuxta monasterii consuetudinem.

19 Si autem essent diuersi ordinis, non habitus, utpote Cluniacen. & sancti Benedicti, tunc non debet apponi clausula in bulla tibi, qui regularem habitum, &c. & ista de stylo sunt curiae Romanae.

20 Etiam si prouideatur de prioratu conueniuntiali a quodam monasterio dependenti monacho eiusdem monasterii, non apponitur in bullis, cum translatione de monasterio ad prioratum, & idem in aliis beneficiis prioratus, & dependentibus ab eodem monasterio: vt no. in d. c. cum singula, in fin. de preb. lib. 6.

In noua prouisione

21 In noua prouisione etiam apponitur

apponi so-
let trans-
latio.

translatio, sicut enim dubitatur de prima collatione, & acceptatione, an viribus subsistant, ita & de translatione, ideo dari solet hodie, per reg. cancel. de translatio. religios. statuitur, quod si regularis petat sibi de beneficio ab aliquo monasterio, vel alio regulari loco dependente prouideri, & appareat ex petitione huiusmodi, quod alterius monasterii, vel loci religiosus sit, licet inibi translatio non petatur, nihilominus illa veniat. Idem putarem si religiosus esset dispensatus ad duo beneficia regularia cuiuscunq; ordinis, vt ista dispensatio habeat vim translationis, adeo vt sit

capax ad beneficia etiam alterius ordinis, tum per reg. cancel. predictam, tum etiam quia alias dispensatio parum prodesset, & verba intelligi debent vt aliquid operentur. *l. si quando. ff. de leg. a. Felin. in cap. i. num. 4. de rescript.*

22 Etiam translatio datur ante annum professionis, si conferatur eidem beneficio alterius ordinis quia large frater alterius ordinis dicebatur, vt inferius scripsi in dispens. reg. & clausula volumus, &c. equipollens est translationi. Hactenus de modis acquirendi, nunc videndum est quomodo beneficia conseruare possimus.

R E G U L A,

SIVE CONSTITVTIO PERPETVA

S. D. N. DOMINI IVLII DIVINA PROVIDENTIA
PAPÆ III. IN QVA DECLARATVR QVOD FRVCTVS
beneficiatorum tempore obitus beneficiatorum inexacti debeantur successo-
ribus in beneficiis, & non heredibus dictorum beneficiatorum, ac quod
Ducatis 100. & reliqua per mortem Reuerend. S. R. E. Cardina-
lium Camera, & capella Apostolica debita solui de-
beant, ne de eisdem per prafatos Cardina-
les testari possit.



Motu proprio, &c. Cū sicut nobis nuper innotuit diuersi diuersorum beneficiatorū etiam Episcoporum Patriarchorum & aliorum Prælatorum, ac S. R. E. Cardinalium pro tempore decedentium hæredes, non solum bona relicta spolia nuncupata sit decedentium beneficiatorum Episcoporum Archiepiscoporum, Patriarcharum & aliorum prælatorum ac etiam Cardinalium, verum etiam fru-

ctus &c. Ecclesiasticos, ac pecunias & res alias per ipsos beneficiatos Episcopos, Archiepiscopos, Patriarchas & alios prælatos, ac etiam Cardinales ante eorum obitum non exactos, etiam si eorum solutionis dies ante obitum ipsorum non aduenerit, sub eo forsan prætextu, quod pro tempore ante obitum huiusmodi decurso, debeantur, exigere & quandoque solutionem debitorum per ipsos beneficiatos & Cardinales dum viuere, contracto-
rum